



Centro Nacional Chega! I.P

Da Memória à Esperança



Termu Referénsia

Kompetisaun Hakerek Fiksaun Bazeia ba Arkivu Centro Chega!

“Ema nia Esperiénsia iha Períodu Konflitu”

No 50/ToR/DPM/VI/2026

I. Makloke

Dezafiu prinsipál atu prezerva memória istórica la'ós de'it oinsá atu prezerva arkivu sira, maibé mós oinsá atu mantein signifkadu ne'ebé kontein iha pájina dokumentu, fotografia ka video, nafatin moris no relevante ba jersaun sira ohin loron nian.

Dokumentu sira ne'ebé prezerva iha Arkivu Centro Chega! kontein esperiénsia oioin timoroan nian durante períodu konflitu. Dokumentu sira-ne'e sai nu'udar patrimóniu nasional importante ida ne'ebé serve la'ós de'it hanesan fonte ida ba peskiza maibé mós hanesan fonte ida ba aprendizajen morál, reflesaun sosiál, no komprensaun umanitária.

Maibé, la'ós ema hotu-hotu iha asesu ka interese atu lee relatóriu istóriu sira ne'ebé naruk no kompleksu, dokumentu ofisiál sira, ka testemuña sira. Tan ne'e, presiza aprosimasaun foun ne'ebé bele sai nu'udar ponte entre arkivu ho públuku, liuliu jersaun foun sira.

Aprosimasaun ne'ebé daudaun ne'e dezenvolve makaas iha prátika memorializasaun no edukasaun istória iha nasaun oioin mak uza arkivu nu'udar fonte ba kriaun obra literária sira, inklui fiksaun. Fiksaun bazeia ba arkivu permite faktu istóriu sira ne'ebé rai iha dokumentu atu transforma sai narrativa ne'ebé relevante liu ba esperiénsia lee-na'in nian. Liuhsosi personajen sira, diálogu, istória, no imajinasau literária, lee-na'in sira la'ós de'it aprende kona-ba eventu ida maibé mós esperiénsia dimensaun emocionál no umanu ne'ebé hosi akontesementu.

La hanesan ho obra sientifika sira, ne'ebé tenta atu esplika saida maka akontese, obra fiksaun sira iha abilidade atu explora oinsá eventu ida hetan esperiénsia, sente, no interpreta hosi ema ida-idak. Nune'e, fiksaun bazeia ba arkivu bele sai meius ida ne'ebé efetivu atu harii empatia, aprofunda komprensaun kona-ba esperiénsia sira hosi vítima no sobrevivente sira, no enkoraja reflesaun kritiku kona-ba impaktu husi konflitu, violénsia, no importánsia hosi dame.

Aleinde ne'e, hakerek fiksaun bazeia ba arkivu loke espasu ba diálogu kriativu entre istória no jersaun foun sira. Arkivu la'ós ona haree hanesan objetu maten ne'ebé rai de'it iha armazenamentu, maibé hanesan fonte inspirasaun ne'ebé bele hamosu interpretasaun, pergunta no signifkadu foun. Prosesu kriativu ida-ne'e ajuda habelar utilizasaun arkivu no mós hametin komundade nia sentidu perténsia ba sira-nia nasaun nia istória.

Ba Centro Chega!, dezenvolvimentu obra literária bazeia ba arkivu nu'udar parte ida hosi esforsu atu habelar funsaun arkivu nian hosi instrumentu prezervasaun de'it ba instrumentu edukasaun públuka no memorializasaun. Liuhsosi kompetisaun hakerek fiksaun bazeia ba arkivu, Centro Chega! hakarak atu enkoraja obra literária sira ne'ebé la'ós de'it iha qualidade artístiku

maibé mós kontribui ba prezervasaun memória kolektiva, hametin kultura dame nian, no haburas konxiénsia katak istória la'ós de'it kona-ba pasadu, maibé fonte lisaun sira atu harii futuru ida ne'ebé justu no umanu liu.

Ho espíritu ida-ne'e maka Centro Chega! realiza Kompetisaun Hakerek Fiksaun Bazeia ba Arkivu nu'udar plataforma ida ba hakerek-na'in sira, estudante sira, no públiku ein-gerál atu transforma arkivu ba obra literária ne'ebé bele hamoris filafali lian sira pasadu nian no apresenta ba jerasaun prezente ho maneira ida ne'ebé asesivel liu, refletivu, no signifkativu liu.

II. Objetivu Sira

Objetivu Jerál

Promove utilizausaun arkivu Centro Chega! nu'udar fonte inspirausaun ba kriasaun obra literária ne'ebé hametin konxiénsia istórika, empatia umana, no kultura dame nian.

Objetivu Espesífiku

- Introdús kolesaun arkivu Centro Chega! nian ba públiku.
- Enkoraja jerasaun foun sira atu lee no komprende istória Timor-Leste nian liuhosi arkivu.
- Produz obra literária ho kualidade ne'ebé inspira hosi arkivu.
- Dezenvolve aprosimasaun memorializasaun ida ne'ebé bazeia ba arte no literatura.
- Dokumenta timoroan nia interpretausaun kriativu sira kona-ba nasaun nia istória.
- Kria espasu ida ba diálogu entre istória, memória, no imajinasaun.

III. Tema

Tema kompetisaun ida-ne'e mak *Ema Nia Esperiência iha Períodu Konflitu*. Ho tema ida-ne'e husu atu partisipante sira hakerek obra fiksaun ida ne'ebé hetan inspirausaun hosi arkivu Centro Chega! no reflète kona-ba esperiência umana durante período konflitu.

IV. Forma Obra Literária

Forma obra literária ne'ebé permite iha kompetisaun ida-ne'e maka *kontu (istória badak)* ho naruk liafuan 1500-2500.

V. Prinsípiu Hakerek Nian

Partisipante sira tenke:

1. Respeita Vítima

Obra labele esplora vítima nia sofrimentu ba objetivu sensasionál sira.

2. Mantein Ema nia Dignidade

Labele iha diskursu ódiu nian.

3. Bazeia ba Arkivu

Istória tenke relasiona klaramente ho arkivu ne'ebé utiliza.

4. Sai Kriativu no Orijnál

Personajen sira, diálogu, no istória bele fiksaun.

5. Evita Distorsaun Istóriu ne'ebé Estremu

Maske bele dezenvolve imajinasaun maibé la bele nega faktu istóriu sira ne'ebé dokumenta ona.

VI. Partisipante

Kompetisaun ida-ne'e nakloke ba sidadaun timoroan hotu-hotu.

VII. Formatu Hakerek

Língua : Tetun (Padraun INL)
Font : Times New Roman .
Medida : 12 pt
Espasu : 1.5
Marjen : 3 cm
Formatu : Ms. Word

VIII. Mekanizmu Implementasaun Kompetisaun Nian

Kompetisaun ida-ne'e dezeña la'ós de'it hanesan kompetisaun hakerek ida, maibé mós hanesan prosesu aprendizajen no envolvimentu diretu ho arkivu istóriu sira. Tan ne'e iha ninia mekanizmu implementasaun enkoraja partisipante hotu atu esplora no peskiza Arkivu Centro Chega! molok hahú prosesu hakerek. Tan ne'e etapa sira ba kompetisaun nian dezeña hanesan tuirmai:

Etapa 1: Anúnsiu no Abertura Asesu ba Arkivu

Hafoin kompetisaun ne'e fó sai ba públiku, Centro Chega! sei loke período rejistu inisiál ida no fó oportunidade ba parte sira ne'ebé iha interese atu asesu no estuda arkivu sira ne'ebé disponivel iha Centro Chega!. Partisipante sira bele hala'o peskiza independénte uza fonte arkivu relevante oioin maka arkiva iha Arkivu Centro Chega!.

Iha faze ida-ne'e, partisipante sira hein atu bele identifika tema partikulár ida, eventu, esperiéncia umana, ka istória ne'ebé konsidera interesante atu dezenvolve ba obra fiksaun ida.

Etapa 2: Preparasaun no Submisaun Sinopse

Bazeia ba rezultadu sira hosi peskiza arkivu nian, partisipante potenciál sira presiza atu prepara sinopse kontu ka istória badak nian nu'udar parte ida hosi prosesu rejistu.

Sinopse tenke inklui:

- 1) Títulu temporáriu obra nian;

- 2) Sumáriu kona-ba istória;
- 3) Personajen prinsipál no personajen importante sira;
- 4) Tempu no fatin (*setting*);
- 5) Konfliktu prinsipál atu dezenvolve;
- 6) Esplikasaun badak kona-ba arkivu ka fonte inspirasaun ne'ebé uza;
- 7) Mensajen ka ideia prinsipál atu hato'o liuhosi istória.

Sinopse nia naruk entre 300-500 palavra.

Sinopse ne'ebé submete tenke hatudu ligasaun klaru kona-ba arkivu sira ne'ebé uza nu'udar inspirasaun, enkuantu hatudu mós potencia ba dezenvolvimentu obra fiksaun ida ne'ebé koezivu no interesante.

Etapa 3: Selesaun Sinopse

Hafoin período rejistu nian taka, sinopse hotu-hotu sei avalia hosi ekipa juri ida ne'ebé es Centro Chega! estabelese.

Avaliasaun ba sinopse sei konsidera aspetu oioin, inklui:

- 1) Orijinalidade hosi ideia istória nian
- 2) Profundidade hosi istória
- 3) Abilidade atu transforma arkivu sira ba ideia kreativu;
- 4) Relevánsia ho tema kompetisaun nian;
- 5) Potensia ba dezenvolvimentu narrativa;
- 6) Sensibilidade ba asuntu istóriu no umanitáriu sira;
- 7) Kualidade hosi hakerek sinopse.

Bazeia ba rezultadu avaliasaun, juri sei hili sinopse 25 ne'ebé di'ak liu hodi hakat ba faze kompetisaun prinsipál.

Etapa 4: Anúnsiu ba Partisipante Selesionadu na'in 25

Centro Chega! sei fó anúnsia partisipante selesionadu na'in 25 ne'ebé sei kontinua ba faze hakerek kompletu.

Partisipante sira ne'ebé liu selesaun sinopse nian sei partisipa workshop kona-ba hakerek obra literária bazeia ba arkivu.

Ho mekanizmu ida-ne'e, kompetisaun ne'e hein atu produz obra sira ne'ebé la'ós de'it iha kualidade literária aas maibé mós hatudu komprensaun kle'an kona-ba arkivu no istória ne'ebé sai hanesan sira nia inspirasaun.

Etapa 5: Hakerek Manuskritu Kompletu

Partisipante selesionadu na'in 25 sei hetan tempu atu dezenvolve sira nia sinopse ba obra fiksaun kompletu ida tuir ezijénsia sira kompetisaun nian. Durante períodu ne'e, partisipante sira sei hala'o tan peskiza iha Arkivu Centro Chega! hodi enrikese kontestu istóriu, personajen sira, no narrariva istória ne'e rasik.

Etapa 6: Avaliasaun Finál no Determinasaun ba Manan-na'in sira

Manuskritu kompletu sira ne'ebé submete sei avalia hosi ekipa juri. Hosi konkorente na'in 25, Ekipa Juri sei determina vensedór kompetisaun na'in tolu. Obra 10 to'o 15 ne'ebé di'ak liu sei rekomenda ba publikasaun iha antolojia fiksaun bazeia ba Arkivu Centro Chega!.

IX Kritériu Avaliasaun

Ekipa juri sei avalia obra sira bazeia ba aspeitu hanesan tuirmai:

- 1) Kualidade narrativa 25%
- 2) Kreatividade iha uzu arkivu 25%
- 3) Profundidade karakter sira istória nian 15%
- 4) Profundidade tema no mensajen 15%
- 5) Sensibilidade ba vítima no istória 10%
- 6) Kualidade linguajen 10%

X. Prémium

Kompetisaun ida-ne'e fornese prémium hanesan tuirmai:

- Primeiru lugar: \$ 1.000.00 USD.
- Segundu lugar: \$ 750.00 USD.
- Terseiru lugar: \$ 500.00 USD.

XI. Kalendariu

Asuntu	Data
Anúnsiu abertura kompetisaun	Semana dahuluk fulan-Jullu
Asesu arkivu, rejistu no submisaun sinopse	Loron ikus, 31 Jullu 2026
Anúnsiu sinopse selesionadu	31 Agostu 2026
Workshop hakerek fiksaun bazeia ba arkivu	7 Setembru 2026
Submisaun obra/manuskritu kompletu (print out no file Ms. Word)	17 Novembru 2026
Anúnsiu manan na'in	30 Novembru 2026

XI. Maktaka

Kompetisaun Hakerek Fiksaun Bazeia ba Arkivu hanesan esforsu ida atu habelar utilizaun arkivu sira nu'udar fonte inspirasaun kriativu, no mós meiu ida ba edukasaun istóriu no memorializasaun. Lihosi kompetisaun ida-ne'e, arkivu sira la'ós de'it prezerva nu'udar dokumentu istóriu maibé mós hamoris filafali liuhusi obra literária sira ne'ebé bele to'o ba públiku luan liután, liuliu jersaun foun sira.

Hein katak atividade ida ne'e bele prodús obra fiksaun ho kualidade, hametin kultura literasia no konxiénsia istórika, no enkoraja kreximentu valór umana, rekonsiliaun, no dame iha Timor-Leste. Nune'e, memória sira pasadu nian bele kontinua atu hatutan no interpreta nu'udar lisaun sira ne'ebé iha valór atu harii futuru ida ne'ebé di'ak liu.

Dili, 29 Juñu 2026

Prepara husi



Maria Abrantes
OPT

Verifika husi




Aventino de J.B. Ximenes
Xefe Dept. DPM

Sertifika husi



Yazalde Manaka savio
D-DPM

Aprova husi



Hugo Maria fernandes
Diretur Exekutivu